

**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

**González Téllez, Emanuel**

**Francofurti Ad Moenum, 1690**

Caput I. Ex Concilio apud (a) Metiam.

---

[urn:nbn:de:hbz:466:1-74533](#)



## TITULUS XIII.

De eo qui cognovit consanguinem suæ uxoris, vel spon-  
sam sui consanguinei.

### CAPUT I.

*Ex Concilio apud (a) Metiam.*

**S**i quis cum (b) filiastra sua fornicatus fuerit, nec matrem, nec filiam habere potest, nec ille alii se poterit conjungere ullo unquam tempore. At vero uxor ejus, si ita voluerit, & si se continere non potest, si posteaquam cognoverit quod cum filia vir ejus fuit in adulterio, carnale commercium cum eo non habuerit, eo mortuo potest alii nubere.

#### NOTÆ.

**I.**  
*De Concil. Wormeriensi.*

(a) **M**etiam.] Ita etiam legitur in prima collectione, sub hoc titul. cap. i. sed rectius à Burchardo lib. 17. Decreti, cap. 10. citatur ex Concilio apud Wormeriam. Et licet in Concilio Wormeriensi celebrato temporibus Caroli Magni non reperiatur textus hic, transcriptus fuit ex alio Concilio Wormeriensi celebrato temporibus Pipini apud Wormeriam, qui locus Verberia nunc dicitur, in pago Silvanectensi, ut notavit Sigmundus ad ipsum tom. 17. Concil. Regia edit. ex quo citantur textus in cap. i. de divortiis, cap. i. de donat. inter, cap. si quis ingenitus 29. q. 2. & ex ipso Concilio sententiam praesentis textus, licet non eadem verba, transcriptus Gratianus in cap. si quis cum matre 5. 35. q. 3. In Penitentiali etiam Romano reperiuntur verba hujus textus, licet non exprimatur ex quo Concilio deducta sint: in dicto autem Concilio, can. 2. ita textus hic habetur: *Si quis cum filiastra sua manet, nec matrem, nec filiam ipsius potest habere, uel ille, nec illa alii se potuerint conjungere ullo unquam tempore, attamen uxor ejus si ita voluerit, si se continere non potest, si posteaquam cognovit quod cum filia sua vir ejus fuit in adulterio, carnale commercium cum eo non habet, nisi voluntate abstinet, potest alii nubere.*

**2.**  
*Dematria cum privigna.*

(b) **Filiastra.**] Idest privigna, quæ est filia uxor ex alio marito suscepta, cap. de his 30. q. 1. ex monia cum tanta que in primo affinitatis gradu linea rectæ, atque idem cum ea non potest contrahi matrimonium, ut dicimus infra in cap. i. titul. proximo. Jure autem civili attento licet connubium cum ea non detur, concubinatum vitri cum privigna justum esse potuisse existimat Cujac. lib. 5. obs. cap. 6. & lib. 8. respons. Papin. in l. cum tabulis 16. §. quoniam, ff. de his quænt indigne: qui non alia mouetur auctoritate, quam Papiniani, in eodem §. quoniam, ex quo putat se id aperte probare, dum Papinianus refert Cassianum virum clarissimum Rusinam ingenuam mulierem pleno honore, idest maritali dilexisse, & post ejus

mortem filiam ejus, idest privignam suam in concubinatum assunisse: quæ sententia etiam suaderi potest ex l. i. vers. qui autem, ff. de concubinis: ubi docetur, mulierem quæ duci prohibetur, in concubinam possi haberet. Sed meritò hanc sententiam ut erroneam, vel temerariam damnarunt Faber lib. 3. conj. et. cap. 14. Brissonius de jure coniug. pag. 76. Revardus lib. 2. conject. cap. 5. Pancirola lib. 2. variar. cap. 102. Schifordeg. ad Fabricum lib. 3. tract. 25. q. 4. Merilius lib. 7. obser. cap. 7. Hothomanus de spuriis cap. 2. aperteque refellitur ex l. i. §. si qua, ff. de concubin. ubi assertur, nefariam esse conjunctionem, si concubina patris sit deinde concubina filii: quæ sententia facilius procedit in conjunctione vitri cum privigna. Nec impedit, quod filia concubina fuerit vulgo quæstita; adhuc enim respectu vitri cum privigna dicenda est, l. privignus 7. Digestis de grad. Nec pro Cujacio facit textus in d. l. i. vers. qui autem; est enim illa textus sententia referenda ad illas conjunctiones, quæ tantum jure civili sunt improbatæ; non vero ad eas, quæ ratione juris naturalis prohibentur; cuius generis esse conjunctionem vitri cum privigna dicemus infra, titul. proximo. Nec etiam favet Cujacio textus in d. l. cum tabulis, §. quoniam; nam verius est, in specie, quam Papinianus refert, Senatorem dumtaxat in concubinatum habuisse Rufinam, non vero ejus filiam, quam postea vulgo quæstitam esse apparebat. Quæ interpretatione ut facilius percipiatur, sciendum est, apud Romanos ingenuam mulierem in concubinatu haberet non posse, alioquin cum ea stuprum committi, ipsamque matrisfamilias honestate privari, l. probrum 41. ff. de rita nupi. l. i. vers. cum Atalicino, ff. de concubinis: Ex qua prohibitione illud præcipue proveniebat, ut mulieri stupro cognitæ, tanquam indigne aliiquid testamento relinquere non posset, alias illi relictum fiscus auferret, l. mulierem 24. ff. de his quænt indig. Meril. 2. obs. 34. aliquibus tamen casibus ingenua sine stupro concubina esse pote-

rat.

**Tit. XIII. De eo qui cognovit, &c.**

175

COMMENTARIUM.

*rat, veluti si statim cum testatione in concubinam assumeretur, ut expolui in cap. inter opera, de sponsis vel sine testatione, cum obscuro loco nata esset, vel vulgo quæstum sui corporis faceret, l. 3. ff. de concubinis: quibus in casibus cum sine labe stupri concubina cognosci possit, id quod ei testamento relictum erat, utiliter capiebat. Deinde sciendum est per contrarium, nec stuprum, nec probrum cum ea committi, que in concubinatu patroni sui erat, d. l. probrum, cum honestis esset patrono libertam potius quam matremfamilias concubinam habere, l. 1. ff. de concubis nec eo casu liberta matrona nomen, honestatemve amittebat, l. se uxor 13. in principiis ad l. 7. vel de adult.*

Quibus ita prædictis facile lucem accipit  
Papinianus in d. §. quoniam , ubi quod in prin-  
cipio proponit , ita est accipendum , videlicet  
concupinæ actionem ex testamento non se de-  
nigandam ad consequendum id quod relectum  
est testamento ejus , qui eam in concubinatu  
habebat , dummodo cum tali concubina stu-  
prum non committeretur , quæ se patroni con-  
cubinam esse patitur : quæ posteriora verba  
non ita expounduntur , ut aliud ius constituantur  
in liberta patroni concubina , contra dictam  
legem 1. in princip. dict. l. probrum 14. sed eo  
senſi sunt accipienda , ut concubina quæ non  
patroni est , omnino ingenua esse debeat , cum  
quæ stuprum aliquando non committitur , cùm  
videlicet obscuro loco nata est , aut teltatio  
præcessit : juxta quod juris principium recte se-  
quitur exemplum , quod Papinianus subjecit in  
d. §. quoniam , de Cassiano , qui Rufinam in  
concubinam assumplit , non in uxorem ; licet enim  
uxoris a uno eam haberet , & pleno ho-  
nore diligenter , hic tamen honor matrimoniū  
facere non potuit , nisi inter personas æquales ,  
l. donationes 31. in princip. ff. de donat. atqui  
Cassianus Senator erat , Rufina verò vulgaris  
fœmina : quæ de causa matrimonium inter eos  
contrahi lege Jul. & Papia prohibebatur , teste  
Ulpiano in fragm. tit. 13. coque spectant textus  
in l. probrum 41. l. palam 42. ff. de ritu nupt.  
Cùm igitur Rufina , quamquam ingenua , ali-  
quando vulgaris fuerat fœmina , licet esse de-  
fusset siue stupro , in concubinatu Cassiani esse  
potuit , l. in libera 24 ff. eod. titul. l. stuprum 34-  
ff. ad l. Jul. de adult. atque ideo sicut ipsa con-  
cubina ex testamento capere potuit , l. Titia 35.  
in princip. ff. de auro & argento , l. 3. §. 1. ff. de  
donat. inter : ita etiam ejus filia recte potuit hæ-  
res institui , quam ante concubinatum Cassianus  
vulgò suscepérat : quæ de causa , nec mater , nec  
filia indignæ personæ fuerant , ut hæreditas ab  
eis tanquam ab indignis eriperetur , quæ est  
vera hujus textus interpretatio , & eam præ-  
fenserunt Revardus lib. 2. conject. cap. 5. Meril.  
lib. 7. obs. cap. 17. Pinel. lib. 2. select. cap. 18. an-  
numer. 4. omis̄is verborum mutationibus , quas  
fecerunt Faber dict. lib. 3. cap. 14. Schifordeg.  
erat. 25. q. 5.

**I**n hoc textu non tam principaliter agunt PP. de impedimento affinitatis superveniente nuptiis jam contractis, & an illas dirimant, juxta alios canones compilatos sub hoc titulo, quam de poena incestus admissi à marito cum filiastra, seu privigna, quam sanxerunt: ideo præsens canon transcriptus fuit in dicto *Poenitentiali*. & à Burchardo d. lib. 17. ubi de peccatis delictorum agebat. Et quidem hujus peccati gravitatem satis expressit D. Augustinus in cap. adulterii 32. quæst. 7. dum dicit: *Adulterium malum vincit fornicationem, vincitur ab incestu.* Unde variis peccatis vindicantur fuit iure civili, quas referunt Ant. Matthæus de criminibus ad lib. 48. Pandect. tit. 3. cap. 6. de incestu, P. Greg. lib. 9. synagm. cap. 11. & lib. 39 cap. 7. & lib. 4. partit. tit. 14. cap. 5. Ant. Gomez in l. 80. Tauri, num. 2. Jul. Glarus lib. 1. fement. §. *Incestus*, Pichardus de delict. verbo *Incestus*, D. Joannes Vela de delict. cap. 17. Jure vero Pontificio conjux cognoscens consanguineam conjugis sui non potest amplius ab eo debitum petere, & juxta veteres canones omni spe conjugij privatur, cap. concubinasti, cap. quedam, cap. si quis viduam, cap. qui dormierit, cap. si quis cum noverca 32. quæst. 7. cap. si quis sponsam 27. quæst. 2. cap. in lectum, cap. si quis cum duabus, cap. si quis cum maatre, cap. quidam 34. quæst. 1. Concil. Agathense can. 61. ibi: *Incestuosos nullo unquam conjugi nomine depitantos.* Quam canonem ita accepit D. Grelius lib. 12. epist. 32. ibi: *Nec eam, quam aliquis ex propria consanguinitate habuit conjugem, vel aliquam illuc a pollutione maculavit, in conjugiumducere nisi profectio lucet Christianorum, vel licet;* quia incestuosus est talis cotius, & abominabilis Deo, & cunctis bonis hominibus. Incestuosos vero nullo conjugii nomine depitantos à sanctis Patribus datus statutum esse legimus. Illustrat post alias Basil. Legion. de matrim. lib. 6. cap. 13. per totum. Unde juxta eos factos canones rectè PP. in praesenti sanxerunt, eum qui filiastram uxoris carnaliter cognovit, nec à matre debitum petere posse, propter impedimentum affinitatis superveniens; nec ipsam filiastram ullo tempore ducere posse in uxorem, filiastramque etiam sine spe conjugij manere: circa matrem ipsam etiam statuant PP. posse mortuo marito aliud virum accipere, si cum marito non concuruit postquam cognovit eum adulterium perpetrasse cum ejus filia; quia si postea cognovit illum cum incestus crimine se polluisse, spe conjugij privatur. Et in Gallia aliquando innocentem etiam vivente primâ uxore secundum accipere permittebatur. Concilium Compendiense, quod extat tom. 17. Concilior. Regia editionis, cap. 8. ibi: *Si quis homo habet mulierem legitimam; & frater ejus adulteravit cum ea; ille frater, vel illa feminæ, qui adulterium perpetraverunt, interim quo vivunt, nunquam habeant conjugium, ille cuius uxor fuit, si uult, portare etem habet accipere aliud.*